

Hoihmiuh Fuzboh Bouxcuengh

Daegyngz Godoq

Youq gwnz mbwn yawj hoihmiuh Fuzboh.

Hoihmiuh Fuzboh Bouxcuengh youh heuhguh hoihmiuh ngoenzseng Fuzboh, youq ranghdieg Dahcu-hgyangh lae gvaq haenx couhdwg Guengdoeng, Guengjsae gak dieg hwnghoengh, dwg cungj hozdung ndawbiengz ndawde hamzmiz haujai doenghyiengh, ndawde Hwnghyeng ranghdieg Dahyi'gyangh guh hoihmiuh Fuzboh lizsij cei q nanz, gveihmoz cei q hung, yingyangj cei q laeg cei q gya.

Guh hoihmiuh Fuzboh dwg vunz dangdieg geiqniemh gij goenglauz gvendaengz Ciuhdunghhan bouxcienhginh Maj Yenz bingz biengzluen hawj biengz onj, doeng dah doeng ruz; moix bi liggaueq sei q nyied cibsei q couhdwg ngoenzseng Fuzboh guh hozdung daeuz, guh hoihmiuh gaenq miz cien lai bi nanz lo. Cien lai bi daeuj, Hwnghyeng aen hoihmiuh Fuzboh baezbaez cungj yieng lai feiz hoengh, vunz cien vunz fanh. Guh hoihmiuh ngoenz haenx, vunz ndaet lumj haw, hoenzyieng dohdaengz, bauqciengh yiengrumrum, sing gyong sing laz goksasa, duzlungz duzsaeceij diuq bae yat dauq, sing fwen goksasa, nauhyied dangqmaz.

Guh hoihmiuh Fuzboh mboengq haenx, doenghij hozdung ndawbiengz lai cungj lai yiengh, miz baiq sienbaed, diuq fouxlunz, diuq fouxsaecij, diuq fouxduzfungh, diuq fouxgeizlaenz, doi q fwen, ciengq hei q sae, guh saehyaz saehdauh daengj.

Baiq sienbaed, couhdwg baiq Fuzboh cienghginh, dwg aen hozdung cei q daeuz youq ndaw hoihmiuh Fuzboh. Neix it dwg geiqniemh gij goenglauz gvendaengz Fuzboh cienghginh bingz biengzluen hawj biengz onj, doeng dah doeng ruz; ngeih dwg gouz duzlingz Fuzboh cienghginh bauj bingzonj, fouz cai fouz nanh. Liggaueq sei q nyied cibsei q daengz cibngux guh hozdung baiq Fuzboh cienghginh, youq mboengq neix, baenz cien baenz fanh vunz dai gak dieg daeuj miuh Fuzboh, daegbied dwg vunz dwkbya hairuz, cungj mbouj lau dwgrengz daeuj daengz miuh Fuzboh baiq Fuzboh, gyoengqde hwnj yieng, cuengq bauqciengh, eu fwen, diuqfoux daengj, aeu neix daeuj lwnh gij simhoz gingqbaeq caeuq niemhngex,

caemhcaiq gouz Maj Yenz cienghginh mboujdan bauj guek onj vunz ndei, ndaem maz ndaej maz, laeh fangz bauj onj, fouz cai fouz nanh, vanzlij bauj vunz doegsaw ndaejrox, gvanbaz huzndei daengj.

Diuq fouxlunz, fouxsaecij, fouxduzfungh, fouxgeizlaenz. Neix dwg gij cezmu z cojcienz. Mboengq guh hoihmiuh, cibgeij aendoih fouxlunz, fouxsaecij, fouxduzfungh, fouxgeizlaenz dai Hwnghyeng Yauyij Cin, Lingzcuz Cin, Lingzsanh Yen, Gveigangj Si, Binhyangz Yen daengj comz daeuj Miuhfuzboh, ciengzmienh nauhyied dangqmaz.

Doiq fwen. Baez daengz liggaueq sei q nyied cibsam banhaemh, gyoengq canghfwen dai Hwnghyeng, Binhyangz, Lingzsanh, Gveigangj daengj si(yienh) comz daeuj, daeuj neix doi q fwen. Doiq fwen seizhaenx, mbwkmbwk saisai sam boux rox haj

boux gak gyoeb baenz doih, baen haujai doihfwen, doi q fwen roxnaeuz aeu fwen camhan.

Ciengqsae. Couhdwg yienj hei q sae. Youq mboengq liggaueq sei q nyied cibsam daengz cibhaj sam ngoenz neix, hwnz lien ngoenz miz vunz yienj hei q sae. Gyoengq ban hei q sae hung dai Hwnghyeng Bwzhoz, Yinzbyauj, Yauyij daengj yanghcin daeuj haenx, doxcaeh daeuj Miuhfuzboh, yienj gij hei q gangj goj ngeihcib sei q hauq.

Guh saehyaz saehdauh. Bouxdauh guh gak cungj saehyaz saehdauh, beijlumj gvaq dousamdien, gvaq byacax dongfeiz daengj.

2007 nienz, Hoihmiuh Fuzboh Bouxcuengh ginggvaq Swcigih Yinzminz Cwngfuj doengzeiq, ndaej liedhaeuj daih'it buek swcigih gaep feihvuzciz vwnzva yizcanj mingzloeg.



▲ Aen ciengzmienh hoihmiuh Fuzboh.



▲ Dou Miuhfuzboh.



▲ Aen siengq Fuzboh.



▲ Baihndaw miuh vunz siuyieng ndaet raixcaix.



▲ Gyoengq hekyieng baiq Fuzboh.



▲ Gvaq giuz.



▲ Gyoengq hekyieng doxcaeh haeuj miuh bae baiq.